

JP AUTOCESTE FEDERACIJE BOSNE I HERCEGOVINE D.O.O. MOSTAR

S T A T U T

**Javnog preduzeća Autoceste Federacije Bosne i Hercegovine društvo s
ograničenom odgovornošću Mostar**

Mostar, novembar/studeni 2016. godine

SADRŽAJ

I	OPĆE ODREDBE	1
II	PREDUZEĆE I SJEDIŠTE.....	1
III	DJELATNOST PREDUZEĆA	2
IV	OSNIVANJE PODRUŽNICA.....	4
V	OSNOVNI KAPITAL	4
VI	NAČIN FINANSIRANJA I POSLOVNE KNJIGE	4
VII	ORGANI JAVNOG PREDUZEĆA	5
	Skupština	5
	Nadzorni odbor	6
	Uprava	9
	Odbor za reviziju	13
	Odjel za internu reviziju	14
VIII	ETIČKI KODEKS I POSLOVNA TAJNA JAVNOG PREDUZEĆA	16
IX	POSTUPAK I NAČIN JAVNIH NABAVKI	16
X	PLANIRANJE POSLOVANJA PREDUZEĆA.....	17
XI	NEDOPUŠTENE I OGRANIČENE AKTIVNOSTI	17
XII	SUKOB INTERESA	18
XIII	ZAŠTITA ŽIVOTNE SREDINE	19
XIV	SINDIKALNO ORGANIZOVANJE U JAVNOM PREDUZEĆU.....	19
XV	STATUSNE PROMJENE I PRESTANAK JAVNOG PREDUZEĆA.....	20
XVI	OPĆI I POJEDINAČNI AKTI	20
XVII	PRIJELAZNE I ZAVRŠNE ODREDBE	Error! Bookmark not defined.

Na osnovu člana 310. Zakona o privrednim društvima ("Službene novine Federacije BiH", br. 81/15), člana 12. Zakona o cestama Federacije Bosne i Hercegovine („Službene novine Federacije BiH“, broj 12/10, 16/10, 66/13 i 100/13), Uredbe o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine („Službene novine Federacije BiH“, broj 20/16) na prijedlog Nadzornog odbora JP Autoceste FBiH d.o.o. Mostar Skupština JP Autoceste FBiH d.o.o. Mostar na sjednici održanoj dana 30.11.2016. godine, donosi:

S T A T U T

Javnog preduzeća Autocete Federacije Bosne i Hercegovine društvo s ograničenom odgovornošću Mostar

I OPĆE ODREDBE

Član 1.

Statutom Javnog preduzeća Autocete Federacije Bosne i Hercegovine društvo s ograničenom odgovornošću Mostar, uređuju se: statusna obilježja (firma, znak, sjedište, djelatnost, osnivanje podružnica, zastupanje i predstavljanje, pravni položaj i odgovornost i organizacija preduzeća); način finansiranja, Etički kodeks, poslovna tajna, visina osnovnog kapitala i način promjene visine osnovnog kapitala, vođenje poslovanja i zastupanja preduzeća i zaštita okoline, način rasporeda finansijskog rezultata način sazivanja Skupštine i odlučivanja, sastav i nadležnost Nadzornog odbora, sastav i nadležnost Odbora za reviziju, sastav i ovlaštenja Uprave, računovodstveno – revizijski standardi, revizija, promjena oblika i prestanak preduzeća, postupak nabavke, nedopuštene i ograničene aktivnosti preduzeća, opći akti, donošenje, izmjene i dopune Statuta i drugih općih akata, organizovanje zaposlenika i prelazne i završne odredbe.

Član 2.

JP Autocete FBiH d.o.o. Mostar osnovano je u skladu sa Zakonom o cestama Federacije Bosne i Hercegovine („Službene novine Federacije BiH“, br. 12/10 , 16/10, 66/13 i 100/13) i upisano u registar društava Općinskog suda u Mostaru pod brojem: Tt-O-852/10 dana 28.10.2010. godine, kao društvo s ograničenom odgovornošću.

II PREDUZEĆE I SJEDIŠTE

Član 3.

Puni naziv firme glasi: Javno preduzeće Autocete Federacije Bosne i Hercegovine društvo s ograničenom odgovornošću Mostar, engl. Public Company Motorways of the Federation of Bosnia and Herzegovina Ltd. Mostar.

Skraćeni naziv preduzeća glasi: JP Autocete FBiH d.o.o. Mostar.

Sjedište JP Autocete FBiH d.o.o. Mostar je u Mostaru u ulici Brage Fejića bb. (u daljem tekstu: JP Autocete FBiH d.o.o. Mostar).

JP Autocete FBiH d.o.o. Mostar ima organizaciono ustrojen ured u Sarajevu.

Preduzeće je dužno u poslovanju koristiti puni ili skraćeni naziv koji je upisan u sudski registar društava.

JP Autoceste FBiH d.o.o. Mostar može promijeniti naziv i sjedište samo Odlukom Skupštine u skladu sa Zakonom o privrednim društvima ("Službene novine Federacije BiH", broj 81/15).

Član 4.

U poslovnoj korespondenciji koristi se memorandum koji obavezno sadrži:

- puni naziv firme preduzeća, sjedište, naziv i adresu sjedišta u Mostaru i znak JP Autoceste FBiH d.o.o. Mostar;
- pune nazive i adresu sjedišta podružnica;
- naziv, sjedište institucije kod koje i broj pod kojim je JP Autoceste FBiH d.o.o. Mostar upisano u registar društava;
- brojeve računa sa nazivom i sjedištem banaka kod kojih JP Autoceste FBiH d.o.o. Mostar ima otvorene račune;
- identifikacioni broj JP Autoceste FBiH d.o.o. Mostar;
- PDV broj JP Autoceste FBiH d.o.o. Mostar.

Član 5.

JP Autoceste FBiH d.o.o. Mostar ima svoj pečat i štambilj.

Pečat JP Autoceste FBiH d.o.o. Mostar je okruglog oblika u kome je koncentričnim krugovima isписан puni naziv preduzeća.

U sredini pečata je znak JP Autoceste FBiH d.o.o. Mostar.

Štambilj JP Autoceste FBiH d.o.o. Mostar je prevougaonog oblika na kojem je isписан skraćeni naziv preduzeća, a služi za ovjeru prijema dokumenta.

Broj, veličinu, način upotrebe i čuvanja pečata i štambila propisuje se Odlukom Uprave JP Autoceste FBiH d.o.o. Mostar.

Član 6.

JP Autoceste FBiH d.o.o. Mostar je nosilac svih prava u pogledu upravljanja imenom i znakom preduzeća, te s tim u vezi ostvarivanje funkcije zaštite imena, znaka i ugleda preduzeća.

Logo  je standardizovanog oblika i simbolizira preduzeće.

Logotip JP Autoceste FBiH d.o.o. Mostar  **JP Autoceste FBiH**.

III DJELATNOST PREDUZEĆA

Član 7.

Djelatnost JP Autoceste FBiH d.o.o. Mostar su poslovi i zadaci na autocestama i brzim cestama u Federaciji BiH i to:

- priprema dugoročnih, srednjoročnih i godišnjih planova i programa razvoja, održavanja, zaštite, rekonstrukcije, izgradnje, obnove cesta i objekata na cestama kao i izvještaji o realizaciji tih planova i programa;
- obavljanje poslova održavanja i zaštite;
- investitorski poslovi za studije i projekte, obnovu, izgradnju, rekonstrukciju i održavanje na cestama i objektima;

- predlaganje finansijskih planova i poboljšanje načina prikupljanja sredstava namijenjenih za potrebe cesta;
- vođenje evidencije (baze podataka) cesta, objekata, saobraćajne signalizacije i opreme na cestama i katastra cestovnog zemljišnog pojasa;
- ustupanje radova na rekonstrukciji, izgradnji, obnovi i održavanju cesta;
- priprema i praćenje realizacije programa mjera i aktivnosti za unapređenje sigurnosti saobraćaja na cestama kojima upravlja;
- priprema podloga za dodjelu koncesija i osiguranje stručno-tehničkog nadzora;
- organizacija sistema naplate putarine;
- prikupljanje podataka i obavještavanje javnosti o stanju cesta i načinu odvijanja saobraćaja;
- poduzimanje potrebnih mjera za očuvanje i zaštitu okoliša;
- organizovanje i pružanje usluga korisnicima autocesta i brzih cesta;
- ostale djelatnosti u skladu sa ovim aktom.

Član 8.

U cilju ostvarivanja obavljanja djelatnosti iz člana 7. ovog Statuta, JP Autoceste FBiH d.o.o. Mostar obavlja i sljedeće privredne djelatnosti:

- 41.10 Organizacija izvedbe građevinskih projekata
- 41.20 Izgradnja stambenih i nestambenih zgrada
- 42.11 Gradnja cesta i autocesta
- 42.12. Gradnja željezničkih pruga i podzemnih željeznica
- 42.13 Gradnja mostova i tunela
- 42.21 Gradnja cjevovoda za tekućine i plinove
- 42.22 Gradnja vodovoda za električnu struju i telekomunikacije
- 42.91 Gradnja hidrograđevinskih objekata
- 42.99 Gradnja ostalih građevina niskogradnje, d.n.
- 43.21 Elektroinstalacijski radovi
- 43.22 Uvođenje instalacija vodovoda, kanalizacije i plina i instalacija za grijanje i klimatizaciju
- 43.29 Ostali građevinski instalacijski radovi
- 43.34 Bojenje i staklarski radovi
- 43.39 Ostali završni građevinski radovi
- 43.99 Ostale specijalizirane građevinske djelatnosti, d.n.
- 46.12 Posredovanje u trgovini gorivima, rudama, metalima i industrijskim kemikalijama
- 47.30 Trgovina na malo motornim gorivima u specijaliziranim prodavaonicama
- 52.21 Uslužne djelatnosti u vezi s kopnenim prijevozom
- 58.29 Izdavanje ostalog softvera
- 58.14 Izdavanje časopisa i periodičnih publikacija
- 62.01 Računalno programiranje
- 62.03 Upravljanje računalnom opremom i sustavom
- 63.11 Obrada podataka, usluge hostinga i djelatnosti povezane s njima
- 63.12 Internetski portali
- 68.10 Kupnja i prodaja vlastitih nekretnina
- 70.22 Savjetovanje u vezi s poslovanjem i ostalim upravljanjem
- 71.11 Arhitektonske djelatnosti
- 71.12 Inženjerske djelatnosti i s njima povezano tehničko savjetovanje
- 73.11 Agencija za promidžbu (reklamu i propagandu)
- 74.90 Ostale stručne, znanstvene i tehničke djelatnosti, d.n.
- 81.29 Ostale djelatnosti čišćenja

JP Autoceste FBiH d.o.o. Mostar vrši poslove u vanjskotrgovinskom prometu u okviru

registrovane djelatnosti.

Član 9.

JP Autoceste FBiH d.o.o. Mostar obavljaju djelatnost upravljanja, građenja, rekonstrukcije, održavanje i zaštite autocesta i brzih cesta u skladu sa Zakonom o cestama Federacije Bosne i Hercegovine.

IV OSNIVANJE PODRUŽNICA

Član 10.

JP Autoceste FBiH d.o.o. Mostar će poslovati kao jedna cjelina, a može osnivati svoje podružnice van sjedišta. Podružnice se osnivaju odlukom direktora uz prethodnu saglasnost Nadzornog odbora, kojom se reguliše djelatnost i obim ovlaštenja u pravnom prometu.

Podružnice su poslovne jedinice koje nemaju svojstvo pravnog lica, ali mogu obavljati poslove u okviru djelatnosti JP Autoceste FBiH d.o.o. Mostar upisanih u registar društava i pri tome sticati prava i preuzimati obaveze u ime i za račun JP Autoceste FBiH d.o.o. Mostar. Podružnice se upisuju u registar društava u nadležnom sudu kod kojeg je upisano JP Autoceste FBiH d.o.o. Mostar.

V OSNOVNI KAPITAL

Član 11.

Osnovni kapital JP Autoceste FBiH d.o.o. Mostar iznosi 2.000,00 KM u novcu (slovima: dvije hiljade KM).

Osnovni kapital JP Autoceste FBiH d.o.o. Mostar čini osnovni ulog Federacije Bosne i Hercegovine kao jedinog osnivača JP Autoceste FBiH d.o.o. Mostar sa procentualnim učešćem od 100%.

Član 12.

Osnovni kapital JP Autoceste FBiH d.o.o. Mostar može se povećati ili smanjiti Odlukom Skupštine JP Autoceste FBiH d.o.o. Mostar na prijedlog Nadzornog odbora u skladu sa Zakonom o privrednim društvima.

VI NAČIN FINANSIRANJA I POSLOVNE KNJIGE

Član 13.

JP Autoceste FBiH d.o.o. Mostar finansijska sredstva za održavanje, zaštitu, obnovu, rekonstrukciju i izgradnju autocesta i brzih cesta, za rad i funkcionisanje JP Autoceste FBiH d.o.o. Mostar i proširenje materijalne osnove rada iz osnovne djelatnosti osiguravaju iz takse za korištenje autoceste, godišnjih, posebnih i drugih naknada za korištenje autocesta i brzih cesta, akciza na gorivo/maloprodajne cijene nafte i naftnih derivata, koji imaju karakter javnih prihoda, iz kredita, donacija/grantova, a u skladu sa Zakonom o cestama Federacije Bosne i Hercegovine.

JP Autoceste FBiH d.o.o. Mostar obavljaju poslove od općeg interesa i ne posluju na komercijalnoj osnovi niti su osnovani radi sticanja dobiti, već svoje aktivnosti obavljaju na osnovu odobrenog plana i programa rada od strane Osnivača.

Razlika javnih prihoda i javnih rashoda JP Autoceste FBiH d.o.o Mostar predstavlja finansijski rezultat, koji je neoporeziv. Iskazani finansijski rezultat ne može biti predmet

ponovne raspodjele na dividendu ili povećanje kapitala. Finansijski rezultat se raspoređuje na obaveze prema planiranoj namjeni. Ovako stvorene obaveze predstavljaju izvor sredstava koji će se utrošiti isključivo za upravljanje, građenje, rekonstrukciju, održavanje i zaštitu autocesta i brzih cesta. Poslovne knjige i druge evidencije JP Autoceste FBiH d.o.o. Mostar vodit će se u skladu sa Kontrnim planom za privredna društva.

U Društvu se vode poslovne knjige i sastavljaju periodični i godišnji obračuni u skladu sa Zakonom o računovodstvu i reviziji FBiH („Službene novine Federacije BiH“, br. 83/09) i općim aktima Društva.

Član 14.

JP Autoceste FBiH d.o.o. Mostar zastupa Uprava koju čine direktor i četiri izvršna direktora u skladu sa Statutom i važećim propisima.

Direktor može drugom licu dati pisani punomoć za zastupanje JP Autoceste FBiH d.o.o. Mostar koja je neprenosiva.

VII ORGANI JAVNOG PREDUZEĆA

Član 15.

Organji JP Autoceste FBiH d.o.o. Mostar su:

- Skupština;
- Nadzorni odbor;
- Uprava;
- Odbor za reviziju.

Skupština

Član 16.

Vlada Federacije Bosne i Hercegovine imenuje punomoćnike na prijedlog Federalnog ministarstva prometa i komunikacija koji predstavljaju Skupštinu JP Autoceste FBiH d.o.o. Mostar u skladu sa Uredbom o vršenju ovlaštenja organa Federacije Bosne i Hercegovine u privrednim društvima sa učešćem državnog kapitala iz nadležnosti Federacije Bosne i Hercegovine („Službene novine Federacije BiH“, broj 20/16).

Skupštinu JP Autoceste FBiH d.o.o. Mostar može sazvati Uprava, član Uprave, Nadzorni odbor, ili član Nadzornog odbora i članovi Odbora za reviziju.

Skupština se saziva po potrebi, a najmanje jednom godišnje. Skupština se u pravilu održava u Mostaru, u sjedištu JP Autoceste FBiH d.o.o. Mostar.

Troškove održavanja Skupštine snosi JP Autoceste FBiH d.o.o. Mostar.

Zahtjev za sazivanje Skupštine podnosi se u pisanoj formi sa prijedlogom dnevnog reda.

JP Autoceste FBiH d.o.o. Mostar dužno je najkasnije 15 dana prije dana održavanja Skupštine, Vladi Federacije BiH, dostaviti poziv za zakazanu Skupštinu sa dnevnim redom i materijalima za svaku tačku dnevnog reda za imenovane punomoćnike državnog kapitala u Skupštini JP Autoceste FBiH d.o.o. Mostar.

Član 17.

Skupština JP Autoceste FBiH d.o.o. Mostar ima sljedeće nadležnosti:

- donosi Statut JP Autoceste FBiH d.o.o. Mostar kao i njegove izmjene i dopune, uz

prethodnu saglasnost Vlade Federacije Bosne i Hercegovine;

- usvaja godišnji izvještaj o poslovanju JP Autoceste FBiH d.o.o. Mostar koji uključuje finansijski izvještaj i izvještaj revizora, Nadzornog odbora i Odbora za reviziju, uz prethodnu saglasnost Vlade Federacije Bosne i Hercegovine;
- usvaja plan poslovanja odnosno revidirani plan poslovanja i trogodišnji plan poslovanja, uz prethodnu saglasnost Vlade Federacije Bosne i Hercegovine;
- donosi Etički kodeks JP Autoceste FBiH d.o.o. Mostar, na prijedlog Nadzornog odbora;
- donosi Odluku o rasporedu finansijskog rezultata na obaveze prema planiranoj namjeni za upravljanje, građenje, rekonstrukciju i održavanje javnih cesta;
- donosi odluku o načinu pokrića gubitka;
- odobrava kupovinu, prodaju, zamjenu, uzimanju ili davanju u lizing, uzimanju ili davanju kredita i drugim transakcijama imovinom, direktno ili posredstvom subsidijarnih preduzeća u toku poslovne godine u obimu većem od 33% knjigovodstvene vrijednosti imovine preduzeća po bilansu stanja na kraju prethodne godine na prijedlog Uprave i Nadzornog odbora;
- imenuje i razrješava Nadzorni odbor, uz prethodnu saglasnost Vlade Federacije Bosne i Hercegovine;
- imenuje i razrješava Odbor za reviziju, na prijedlog Nadzornog odbora, uz prethodnu saglasnost Vlade Federacije Bosne i Hercegovine;
- odlučuje o naknadama članova Nadzornog odbora i Odbora za reviziju i daje saglasnost direktoru za potpisivanje Ugovora o angažmanu;
- donosi Poslovnik o radu Skupštine;
- donosi Pravilnik o unutrašnjoj organizaciji poslova;
- odlučuje o promjeni oblika organizovanja i statusnim promjenama, uz prethodnu saglasnost Vlade Federacije Bosne i Hercegovine;
- odlučuje o povećanju i smanjenju osnovnog kapitala, uz prethodnu saglasnost Vlade Federacije Bosne i Hercegovine;
- utvrđuje strategiju razvoja i održavanja javnih cesta, srednjeročni program održavanja i zaštite kao i program rekonstrukcije, izgradnje i obnove javnih cesta i akcioni godišnji plan i program održavanja i zaštite kao i program rekonstrukcije, izgradnje i obnove razvoja cestovne infrastrukture uz prethodnu saglasnost Vlade Federacije Bosne i Hercegovine;
- odlučuje o drugim pitanjima u skladu sa Zakonima i propisima iz ove oblasti;
- odlučuje o drugim pitanjima bitnim za poslovanje preduzeća u skladu sa važećim zakonima, Statutom preduzeća i drugim općim aktima preduzeća.

Skupština postupa u skladu Zakonom o privrednim društvima, Zakonom o javnim preduzećima u Federaciji Bosne i Hercegovine, Zakonom o cestama Federacije Bosne i Hercegovine te u skladu sa Uredbom o vršenju ovlaštenja organa Federacije Bosne i Hercegovine u privrednim društvima sa učešćem državnog kapitala iz nadležnosti Federacije BiH a sa dobijenim obavezujućim uputstvima organa Federacije Bosne i Hercegovine.

Nadzorni odbor

Član 18.

Nadzorni odbor imenuje i razrješava Skupština preduzeća na prijedlog Vlade Federacije Bosne i Hercegovine.

Nadzorni odbor se imenuje na način i po postupku utvrđenim Zakonom o cestama Federacije Bosne i Hercegovine, Zakonom o privrednim društvima i Zakonom o ministarskim, vladinim i drugim imenovanjima („Službene novine FBiH”, br. 12/03 i 34/03) i-skladu sa Uredbom o vršenju ovlaštenja organa Federacije Bosne i Hercegovine u privrednim društvima sa učešćem državnog kapitala iz nadležnosti Federacije Bosne i Hercegovine.

U skladu s Ustavom Federacije Bosne i Hercegovine osigurat će se zastupljenost konstitutivnih naroda.

Članovi Nadzornog odbora imenuju se istovremeno na period od četiri godine, s tim da po isteku perioda od dvije godine od dana imenovanja, Skupština preduzeća glasa o povjerenju članovima Nadzornog odbora.

Isto lice može biti imenovano za predsjednika ili člana Nadzornog odbora više puta bez ograničenja.

Izužetno, bez provođenja redovnog postupka izbora i imenovanja, Vlada Federacije Bosne i Hercegovine, na prijedlog Federalnog ministra prometa i komunikacija, može utvrditi prijedlog kandidata za imenovanje vršioca dužnosti članova Nadzornog odbora JP Autoceste FBiH d.o.o. Mostar do okončanja konkursne procedure, a najduže na vremenski period do najviše tri mjeseca, počev od dana stupanja na snagu odluke Skupštine preduzeća o imenovanju članova Nadzornog odbora, a u skladu sa Uredbom o vršenju ovlaštenja organa Federacije Bosne i Hercegovine u privrednim društvima sa učešćem državnog kapitala iz nadležnosti Federacije Bosne i Hercegovine.

Član 19.

Predsjednik i član Nadzornog odbora ne može biti lice:

1. osuđivano za krivično djelo i privredni prijestup nespojive sa dužnosti u Nadzornom odboru, pet godina od dana pravosnažnosti presude, isključujući vrijeme zatvorske kazne;
2. kojem je presudom suda zabranjeno obavljanje aktivnosti u nadležnosti Nadzornog odbora.

Predsjednik ili član Nadzornog ili Upravnog odbora preduzeća sa većinskim državnim kapitalom ili institucije ne može istovremeno biti predsjednik ili član Nadzornog ili Upravnog odbora drugog preduzeća ili institucije.

Za člana Nadzornog odbora JP Autoceste FBiH d.o.o. Mostar ne može biti predložena niti imenovana osoba:

- za čiji izbor i imenovanje postoje smetnje utvrđene važećim propisima koji regulišu ovu oblast
- koja je zaposlenik JP Autoceste FBiH d.o.o. Mostar, osim u slučaju kada Vlada Federacije Bosne i Hercegovine utvrdi da je to od posebnog interesa za JP Autoceste FBiH d.o.o. Mostar, a što ovisi od djelatnosti koju JP Autoceste FBiH d.o.o. Mostar obavlja.

Član 20.

Dužnost predsjednika i članova Nadzornog odbora prestaje istekom mandata, prijevremenim razrješenjem ili podnošenjem ostavke.

Skupština može razriješiti predsjednika i članove Nadzornog odbora i prije isteka perioda na koji su imenovani:

1. kad Nadzorni odbor ili pojedini njegov član izgubi povjerenje Skupštine;
2. kad Skupština odbije usvojiti godišnji izvještaj JP Autoceste FBiH d.o.o. Mostar koji uključuje finansijski izvještaj i izvještaj revizora, Nadzornog odbora i Odbora za reviziju;
3. kad Skupština utvrdi odgovornost predsjednika i članova Nadzornog odbora za štetu koju je pretrpjelo JP Autoceste FBiH d.o.o. Mostar zbog toga što su postupili suprotno

propisima, Statutu i odlukama Skupštine;

4. kad se na predsjednika ili člana Nadzornog odbora odnosi Zakon o sukobu interesa u institucijama vlasti Bosne i Hercegovine i Zakona o sukobu interesa u organima vlasti u Federaciji Bosne i Hercegovine.

Razrješenje dužnosti prije isteka mandata članova Nadzornog odbora JP Autoceste FBiH d.o.o. Mostar imenovanih ispred državnog kapitala vrši Skupština JP Autoceste FBiH d.o.o. Mostar na temelju prethodne saglasnosti Vlade Federacije Bosne i Hercegovine.

Članu Nadzornog odbora koji je imenovan umjesto razrješenog člana, kada se ne razrješava cijeli Nadzorni odbor, mandat traje do isteka mandata članova nadzornog odbora koji su imenovani prilikom imenovanja cijelog Nadzornog odbora, a nisu razrješeni.

Član 21.

Nadzorni odbor nadležan je da:

- nadzire poslovanje preduzeća, usvaja poslovne strategije preduzeća i planove poslovanja, nadzire rad Uprave, te odobrava odluke strateškog karaktera;
- utvrđuje prijedlog plana poslovanja odnosno revidirani plan poslovanja i trogodišnji plan poslovanja, na prijedlog Uprave;
- podnosi Skupštini godišnje izvještaje o poslovanju preduzeća, koji obavezno uključuje izvještaj revizora, izvještaj o radu Nadzornog odbora i Odbora za reviziju;
- usvaja polugodišnji izvještaj o poslovanju preduzeća;
- predlaže Skupštini raspored finansijskog rezultata na obaveze prema planiranoj namjeni za upravljanje, građenje, rekonstrukciju i održavanje javnih cesta
- imenuje i razrješava članove Uprave, uz prethodnu saglasnost Vlade Federacije Bosne i Hercegovine;
- imenuje Sekretara preduzeća;
- utvrđuje prijedlog kandidata za izbor članova Odbora za reviziju;
- nadzire Upravu u primjeni preporuka datih od Odbora za reviziju i vanjskog revizora u utvrđenim vremenskim rokovima;
- predlaže Statut JP Autoceste FBiH i njegove izmjene i dopune Skupštini JP Autoceste FBiH d.o.o. Mostar;
- bira predsjednika Nadzornog odbora na prvoj konstituirajućoj sjednici;
- donosi Poslovnik o radu Nadzornog odbora i Uprave JP Autoceste FBiH d.o.o. Mostar;
- predlaže Etički kodeks Skupštini JP Autoceste FBiH d.o.o. Mostar;
- daje saglasnost na osnivanje podružnica na prijedlog direktora Uprave;
- predlaže Odluku o rasporedu finansijskog rezultata na obaveze prema planiranoj namjeni za upravljanje, građenje, rekonstrukciju i održavanje javnih cesta;
- odobrava kupovinu, prodaju, zamjenu, uzimanju ili davanju u lizing, uzimanju ili davanju kredita i drugih transakcija imovinom, direktno ili posredstvom subsidijarnih preduzeća u toku poslovne godine u obimu od 15% do 33% knjigovodstvene vrijednosti imovine preduzeća po bilansu stanja na kraju prethodne godine na prijedlog Uprave;
- razmatra provedbeni propis za postupak nabavke i nadzire postupak javnih nabavki, te razmatra mjesечne izvještaje o javnoj nabavci roba i usluga, razmatra mjesечne izvještaje Odbora za reviziju;
- usvaja Pravilnik o javnim nabavkama na prijedlog Uprave;
- donosi Pravilnik o radu na prijedlog Uprave JP Autoceste FBiH d.o.o. Mostar;
- predlaže Pravilnik o unutrašnjoj organizaciji poslova na prijedlog Uprave JP Autoceste FBiH d.o.o. Mostar;
- donosi Pravilnik o sistematizaciji radnih mjesta u JP Autoceste FBiH d.o.o. Mostar;
- donosi Pravilnik o zaštiti na radu;

- donosi Pravilnik o korištenju imena, znaka i logotipa JP Autoceste FBiH d.o.o. Mostar;
- organizuje izradu vjerodostojnih računovodstvenih evidencija i finansijskih izvještaja sačinjenih u skladu sa važećim Zakonom o računovodstvu i reviziji u Federaciji Bosne i Hercegovine iz kojih je vidljiv finansijski položaj JP Autoceste FBiH d.o.o. Mostar, koji se daju na uvid svim licima koja imaju legitiman interes za poslovanje sa JP Autoceste FBiH d.o.o. Mostar;
- daje ovlaštenja za aktivnosti koje su ograničene na osnovu odredaba Zakona o javnim preduzećima;
- daje upute direktoru za provođenje preporuka u vezi sa uočenim nepravilnostima;
- donosi ostale opće akte za koje nije nadležna Uprava preduzeća;
- obavlja i druge poslove u skladu sa zakonom, Statutom i drugim propisima.

Član 22.

Nadzorni odbor radi i odlučuje na sjednicama, a saziva ih i njima predsjedava predsjednik Nadzornog odbora.

Za održavanje sjednice Nadzornog odbora potrebno je da sjednici prisustvuje više od polovine članova Nadzornog odbora.

Nadzorni odbor donosi odluke većinom glasova prisutnih članova.

Predsjednik Nadzornog odbora može određene poslove iz nadležnosti Nadzornog odbora povjeriti jednom od članova Nadzornog odbora, ali i dalje ostaje solidarno odgovoran za njihovo obavljanje sa članom Nadzornog odbora kojem su povjereni poslovi.

Član 23.

Sjednicama Nadzornog odbora mogu prisustvovati direktor i izvršni direktori JP Autoceste FBiH d.o.o. Mostar, s pravom predlaganja, bez prava odlučivanja.

Član Nadzornog odbora imenovan ispred državnog kapitala u JP Autoceste FBiH d.o.o. Mostar dužan je postupati u skladu sa interesima vlasnika kapitala, a predsjednik Nadzornog odbora dužan je Vladi Federacije BiH blagovremeno, a najmanje jednom tromjesečno dostaviti pisani izvještaj o radu Nadzornog odbora.

Član 24.

Predsjednik i članovi Nadzornog odbora pojedinačno zaključuju sa JP Autoceste FBiH d.o.o. Mostar ugovor o angažmanu, koji u ime JP Autoceste FBiH d.o.o. Mostar potpisuje direktor, uz saglasnost Skupštine Društva.

Ugovor iz stava 1. ovog člana sadrži prava, obaveze, odgovornosti i visinu naknade predsjednika, odnosno člana Nadzornog odbora.

Član 25.

Bliže odredbe o radu Nadzornog odbora regulišu se Poslovnikom o radu Nadzornog odbora.

Uprava

Član 26.

Uprava organizuje rad i rukovodi poslovanjem, zastupa i predstavlja JP Autoceste FBiH d.o.o. Mostar i odgovara za zakonitost poslovanja.

Upravu čini direktor i četiri izvršna direktora i to:

- izvršni direktor za opće, kadrovske i pravne poslove
- izvršni direktor za ekonomsko-finansijske poslove
- izvršni direktor za upravljanje i održavanje

- izvršni direktor za projektovanje i građenje.

Uprava se imenuje na period od četiri godine sa mogućnošću ponovnog izbora i imenovanja.

Član 27.

Uprava je nadležna da:

- izrađuje i nadgleda realizaciju godišnjeg i trogodišnjeg plana poslovanja;
- predlaže plan poslovanja preduzeća Nadzornom odboru;
- predlaže Odboru za reviziju i Nadzornom odboru raspored finansijskog rezultata na obaveze prema planiranoj namjeni za upravljanje, građenje, rekonstrukciju i održavanje javnih cesta;
- provodi preporuke Nadzornog odbora;
- predlaže odluku o osnivanju podružnica na davanje saglasnosti Nadzornom odboru JP Autoceste FBiH d.o.o. Mostar;
- predlaže opće akte kojima se uređuje računovodstveno - finansijsko poslovanje;
- provodi Etički kodeks;
- predlaže Pravilnik o organizaciji i sistematizaciji radnih mjeseta u JP Autoceste FBiH d.o.o. Mostar;
- donosi Pravilnik o stručnom obrazovanju i usavršavanju;
- donosi Pravilnik o stipendiranju;
- predlaže Pravilnik o unutrašnjoj organizaciji poslova;
- predlaže Pravilnik o radu;
- predlaže Pravilnik o javnim nabavkama;
- odlučuje o radno-pravnom statusu zaposlenika;
- podnosi mjesечni izvještaj o postupku javnih nabavki Odboru za reviziju i Nadzornom odboru;
- postupa po preporukama Odbora za reviziju;
- osigura da Odjel za internu reviziju obavlja svoje aktivnosti u skladu sa Zakonom o javnim preduzećima;
- predlaže Poslovnik o radu uz saglasnost Nadzornog odbora;
- donosi opće akte za čije donošenje nije nadležan Nadzomi odbor i Skupština JP Autoceste FBiH d.o.o. Mostar;
- obavlja i druge poslove utvrđene zakonom, Statutom i općim aktima Društva.

Član 28.

Uprava se bira, imenuje i razrješava u skladu sa postupkom utvrđenim daljim odredbama ovog Statuta na osnovu javnog konkursa iz reda kandidata koji po menadžerskim znanjima i iskustvu najbolje odgovaraju za izvršenje stručnih, operativnih i poslovnih potreba JP Autoceste FBiH d.o.o. Mostar;

U Upravu ne mogu biti imenovana lica koja vrše funkciju u političkim strankama.

Direktor i izvršni direktori JP Autoceste FBiH d.o.o. Mostar ne mogu istovremeno biti predsjednici ili članovi Nadzornog ili Upravnog odbora drugog preduzeća ili institucije.

Odredbe koje regulišu ograničenja za izbor i imenovanje članova Nadzornog odbora odnose se i na direktora i izvršne direktore.

Odluku o raspisivanju javnog konkursa za izbor i imenovanje direktora JP Autoceste FBiH d.o.o. Mostar donosi Nadzomi odbor.

Konkurs za izbor i imenovanje lica iz stava 1. ovoga člana provodi Komisija imenovana od strane Nadzornog odbora posebnom odlukom, koja broji pet članova od kojih su dva iz Federalnog ministarstva prometa i komunikacija.

Mjesečna plaća članova Uprave reguliše se ugovorom koji se zaključuje na razdoblje imenovanja uz pisanu saglasnost federalnog ministra prometa i komunikacija koje vrši

ovlaštenja Federacije BiH u preduzećima sa sudjelovanjem državnog kapitala.

Članovima Uprave za izuzetne rezultate poslovanja može se jednom godišnje dodijeliti nagrada u iznosu do dvije prosječne mjesecne neto plaće isplaćene u Federaciji u prethodnoj kalendarskoj godini prema posljednjem objavljenom podatku Federalnog zavoda za statistiku.

Odluku o nagradi iz stava 7. ovog člana donosi Skupština preduzeća na prijedlog Nadzornog odbora uz prethodnu pisani saglasnost Vlade Federacije Bosne i Hercegovine.

Član 29.

Za direktora JP Autoceste FBiH d.o.o. Mostar može biti imenovano lice koje, pored zakonom utvrđenih općih uvjeta, ispunjava i sljedeće posebne uvjete:

1. visoka stručna spremam VII stepen
2. da ima najmanje jednu godinu radnog iskustva, te da je osoba dokazanih profesionalnih sposobnosti.

Pored navedenih uslova, direktor je dužan dostaviti program rada za mandatni period i podatke o svom prethodnom radu.

Nakon okončane konkursne procedure postupka izbora kandidata Komisija sačinjava i dostavlja listu najuspješnijih kandidata Vladi Federacije BiH i zapisnik koji sadrži sve aktivnosti i radnje obavljene od strane Komisije za izbor i nominiranje kandidata putem Federalnog ministarstva prometa i komunikacija.

Vlada Federacije Bosne i Hercegovine, na prijedlog Federalnog ministarstva prometa i komunikacija donosi Odluku o davanju prethodne saglasnosti Nadzornom odboru za imenovanje članova Uprave.

U skladu sa odlukom Vlade Federacije Bosne i Hercegovine, kojom je data prethodna saglasnost za imenovanje članova uprave, Nadzorni odbor JP Autoceste FBiH d.o.o. Mostar donosi odluku o imenovanju članova Uprave.

Izuzetno, bez provedbe navedenog postupka Vlada Federacije Bosne i Hercegovine, može donijeti odluku o davanju prethodne saglasnosti za imenovanje vršioca dužnosti direktora i izvršnih direktora JP Autoceste FBiH d.o.o. Mostar do okončanja konkursne procedure, a najduže na vremenski period do 6 mjeseci, počev od dana stupanja na snagu Odluke o imenovanju vršilaca dužnosti Uprave od strane Nadzornog odbora.

U skladu sa Odlukom Vlade Federacije Bosne i Hercegovine iz stava 6. ovog člana Nadzorni odbor JP Autoceste d.o.o. Mostar donosi odluku o imenovanju direktora i izvršnih direktora na period do šest mjeseci, počev od dana stupanja na snagu odluke Nadzornog odbora o imenovanju vršitelja dužnosti direktora i izvršnih direktora.

Član 30.

Odredbe člana 29. primjenjuju se i kod postupka izbora i imenovanja izvršnih direktora JP Autoceste Federacije Bosne i Hercegovine d.o.o. Mostar;

Za izvršne direktoare imenuju se lica, koja pored zakonom utvrđenih uvjeta, ispunjavaju i sljedeće posebne uvjete:

1. visoka stručna spremam VII stepen
2. da ima najmanje jednu godinu radnog iskustva, te da je osoba dokazanih profesionalnih sposobnosti.

Član 31.

Direktor predsjedava Upravom, rukovodi poslovanjem, zastupa i predstavlja preduzeće i odgovara za zakonitost poslovanja.

Položaj, ovlaštenja, odgovornosti i prava direktora uređuju se ugovorom između Nadzornog odbora i direktora uz prethodnu saglasnost Federalnog ministarstva prometa i komunikacija.

Član 32.

Izvršni direktori organizuju rad, zastupaju i predstavljaju preduzeće i odgovaraju za zakonitost poslovanja u obimu koje im odredi direktor, a što se utvrđuje posebnim pisanim aktom direktora JP Autoceste FBiH d.o.o. Mostar uz saglasnost Nadzornog odbora.

Plaća i druga materijalna prava izvršnih direktora uređuju se ugovorom između Nadzornog odbora i izvršnih direktora.

Odgovornost za računovodstvene i knjigovodstvene poslove nosi lice ovlašteno za zastupanje pravnog lica.

Lice iz stava 3. ovog člana dužno je osigurati vođenje računovodstvenih i knjigovodstvenih evidencija u poslovnim knjigama isključivo na osnovu dokumentacije po osnovu nastalog poslovnog događaja, a u skladu sa Zakonom o računovodstvu i reviziji Federacije Bosne i Hercegovine, međunarodnim računovodstvenim standardima (MRS) i međunarodnim standardima finansijskog izještavanja (MSFI).

Član 33.

Direktor preduzeća u skladu sa Statutom donosi:

- pojedinačna akta koja se odnose na operativno i finansijsko poslovanje preduzeća;
- formira stručno-konsultantska tijela za pojedina pitanja kao i radna tijela (komisije, ekspertne grupe, projektne i druge ekspertne timove);
- predlaže i poduzima mјere, izdaje naloge i uputstva kojima se osigurava efikasno upravljanje preduzećem;
- vrši uskrađivanje i usmjeravanje rada izvršnih direktora;
- odlučuje o razvoju ljudskih resursa, edukaciji, o potrebi zapošljavanja novih zaposlenika u skladu sa Planom poslovanja;
- odlučuje o pravima i odgovornostima zaposlenika, u skladu sa zakonom, kolektivnim ugovorom i općim aktima na način utvrđen ovim Statutom;
- potpisuje akte koje donosi Uprava preduzeća;
- obavlja i druge poslove i funkcije koje su mu zakonima koji reguliraju ovu oblast, Statutom, odnosno općim aktima stavljenе u nadležnost.

Direktor može vršenje pojedinih poslova povjeriti izvršnom direktoru, ali i dalje ostaje solidarno odgovoran sa izvršnim direktorom za izvršavanje povjerenog posla.

Član 34.

Direktor može pismeno ovlastiti jednog od izvršnih direktora da ga zamjenjuje u slučaju odsutnosti ili spriječenosti da obavlja funkciju u periodu do 30 dana. Pismenim ovlaštenjem direktor utvrđuje obim ovlaštenja izvršnog direktora.

U slučaju spriječenosti za obavljanje dužnosti u periodu dužem od 30 dana, direktor je dužan izvijestiti Nadzorni odbor koji u tom slučaju može donijeti odluku da poslove direktora JP Autoceste FBiH d.o.o. Mostar do prestanka razloga koji su prouzrokovali njegovu spriječenost obavlja jedan od izvršnih direktora.

Član 35.

Članu Uprave JP Autoceste FBiH d.o.o. Mostar prestaje funkcija:

- istekom mandata,
- sporazumno;
- podnošenjem ostavke;
- prijevremenim razrješenjem;

- nastupanjem zakonskih smetnji za obavljanje funkcije.

U slučajevima iz stava 1. alineja 2. i 3. ovog člana, član Uprave je dužan nastaviti sa obavljanjem poslova u otkaznom roku, koji utvrđuje Nadzorni odbor, a koji ne može biti kraći od 30 dana.

Član 36.

Član Uprave može biti razriješen funkcije i prije isteka vremena na koje je imenovan o čemu odluku donosi Nadzorni odbor.

Postupak razriješenja direktora pokreće Nadzorni odbor.

Postupak razriješenja izvršnog direktora pokreće se na prijedlog direktora i isti mora biti obrazložen.

Razriješenje dužnosti prije isteka mandata direktora i izvršnih direktora JP Autoceste FBiH d.o.o. Mostar vrši Nadzorni odbor JP Autoceste FBiH d.o.o. Mostar na temelju prethodne saglasnosti Vlade Federacije Bosne i Hercegovine.

Direktori i izvršnim direktorima JP Autoceste FBiH d.o.o. Mostar koji su imenovani umjesto razriješenog člana, u slučaju da se ne razriješava cijela Uprava JP Autoceste FBiH d.o.o. Mostar, mandat traje do isteka mandata članova Uprave JP Autoceste FBiH d.o.o. Mostar koji su imenovani prilikom imenovanja cijele Uprave JP Autoceste FBiH d.o.o. Mostar, a nisu razriješeni.

Direktor ili izvršni direktor JP Autoceste FBiH d.o.o. Mostar kojem je mandat istekao ili je razriješen dužnosti prije isteka mandata dužan je izvršiti primopredaju dužnosti.

Član 37.

Član Uprave može biti razriješen funkcije i prije isteka utvrđenog mandata u slučaju propisanom zakonom i drugim propisima, a posebno zbog utvrđene odgovornosti za:

- neostvarivanje programa razvoja i planova rada i poslovanje,
- nezakonit rad i poslovanje JP Autoceste FBiH d.o.o. Mostar,
- zloupotrebu ovlaštenja.

Član 38.

U slučaju da se ne izvrši imenovanje direktora u utvrđenom roku, funkciju direktora do imenovanja novog, obavljat će lice koje odredi Nadzorni odbor.

Član 39.

Sekretara JP Autoceste FBiH d.o.o. Mostar imenuje i razriješava Nadzorni odbor na prijedlog direktora JP Autoceste FBiH d.o.o. Mostar.

Sekretar se imenuje na isti period na koji je imenovan i Nadzorni odbor JP Autoceste FBiH d.o.o. Mostar.

Sekretar ima prava i obaveze utvrđene Zakonom o privrednim društvima i općim aktima preduzeća.

Odbor za reviziju

Član 40.

Odbor za reviziju čine predsjednik i dva člana koje imenuje Skupština na prijedlog Nadzornog odbora na period od četiri godine.

Nadzorni odbor predlaže Skupštini sastav Odbora za reviziju nakon izbora kandidata većinom glasova na osnovu javnog konkursa.

Predsjednik ili član Odbora za reviziju ne može biti član Nadzornog odbora ili Uprave,

kao ni zaposlenik JP Autoceste FBiH d.o.o. Mostar niti smije imati direktni ili indirektni finansijski interes u JP Autoceste FBiH d.o.o. Mostar, izuzev naknade po osnovu obavljanja te funkcije.

Naknada i druga prava članova Odbora za reviziju uređuju se ugovorom u skladu sa odlukom Skupštine o izboru članova Odbora za reviziju.

Ugovor sa predsjednikom i članovima Odbora za reviziju potpisuje direktor u ime i za račun JP Autoceste FBiH d.o.o. Mostar.

Član 41.

Odbor za reviziju je ovlašten zahtijevati sazivanje sjednice Nadzornog odbora i obavijestiti Skupštinu preduzeća kada smatra da su ugroženi interesi preduzeća ili kada utvrdi nepravilnosti u radu Uprave ili Nadzornog odbora.

Odbor za reviziju dužan je :

- imenovati vanjskog revizora;
- imenovati direktora Odjela za internu reviziju na osnovu javnog konkursa za izbor tehnički najbolje kvalifikovanog kandidata, ukoliko Ured za reviziju institucija u Federacije Bosne i Hercegovine nije upoznao JP Autoceste FBiH d.o.o. Mostar sa svojom namjerom da izvrši imenovanje u roku od 30 dana od dana kada je generalni revizor obaviješten u skladu sa članom 27. stav 5. Zakona o javnim preduzećima;
- donosi akte Odjela za internu reviziju;
- razmotriti godišnju strategiju rizika i plan revizije, u kojima su prikazane pojedinosti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način korigovana;
- razmotriti navedenu strategiju rizika i plan revizije i postići sporazum sa generalnim revizorom po pitanju obrade, isključivo u slučaju kada je generalni revizor imenovao direktora odjela za internu reviziju JP Autoceste FBiH d.o.o. Mostar;
- osigurati da Odjel za internu reviziju izvrši svoj posao u skladu sa planom revizije;
- osigurati da interne kontrole u JP Autoceste FBiH d.o.o. Mostar budu adekvatne i da funkcioniraju kako je predviđeno;
- podnosići Nadzomom odboru sažete mjesecne izveštaje o svojim sastancima svakog mjeseca;
- konsultovati se sa generalnim revizorom u pogledu nezavisne revizorske organizacije ili strukovne stručne grupe koja vrši stručno unutrašnje strukovno ocjenjivanje Odjela za internu reviziju svake dvije do tri godine;
- osigurati da Odjel za internu reviziju obavlja svoje obaveze u skladu sa međunarodnim revizijskim standardima;
- obavlja i druge poslove u skladu sa Statutom i zakonima kojima se uređuje poslovanje JP Autoceste FBiH d.o.o. Mostar.

Član 42.

Uprava je dužna i odgovoma za primjenu preporuka Odbora za reviziju u rokovima koje u pogledu njihove realizacije on utvrdi.

Uprava može na jednog od svojih članova prenijeti ovu dužnost, ali je i dalje odgovorna za njihovu realizaciju.

Odjel za internu reviziju

Član 43.

JP Autoceste FBiH d.o.o. Mostar formira Odjel za internu reviziju u skladu sa Zakonom

o javnim preduzećima u Federacije Bosne i Hercegovine.

Sva lica koja obavljaju poslove u Odjelu za internu reviziju su zaposlenici JP Autoceste FBiH d.o.o. Mostar, izuzev direktora Odjela.

Direktor Odjela za internu reviziju ima isključivu odgovornost za izbor i rukovođenje licima zaposlenim u Odjelu.

Član 44.

Direktora Odjela za internu reviziju imenuje i razrješava Odbor za reviziju, na osnovu javnog konkursa za izbor tehnički najbolje kvalifikovanog kandidata, ukoliko Ured za reviziju institucija u Federacije Bosne i Hercegovine nije upoznao JP Autoceste FBiH d.o.o. Mostar sa svojom namjerom da izvrši imenovanje u roku od 30 dana od dana kada je generalni revizor obaviješten u skladu sa članom 27. stav 5. Zakona o javnim preduzećima.

Troškove imenovanja direktora Odjela za internu reviziju snosi JP Autoceste FBiH d.o.o. Mostar.

Član 45.

Ugovor sa direktorom Odjela za internu reviziju potpisuje direktor JP Autoceste FBiH d.o.o. Mostar u ime i za račun JP Autoceste FBiH d.o.o. Mostar.

Direktoru Odjela za internu reviziju pripada odgovarajuća naknada.

Visina naknade utvrđuje se na osnovu tarifa Ureda za reviziju institucija u Federacije Bosne i Hercegovine, a ukoliko se iste ne mogu dobiti od Ureda, onda se utvrđuje na prijedlog Odbora za reviziju ili na osnovu preporuke resornog ministarstva.

Član 46.

Direktora Odjela za internu reviziju, imenovanog od strane generalnog revizora, organi JP Autoceste FBiH d.o.o. Mostar ne mogu smijeniti bez prethodno dobijenog pismenog odobrenja generalnog revizora ili Odbora za reviziju.

Nakon razrješenja direktora Odjela za internu reviziju generalni revizor ima pravo da imenuje novog direktora Odjela za internu reviziju.

Odbor za reviziju dužan je u roku od 30 dana obavijestiti generalnog revizora o svakoj ostavci ili zahtjevu za razrješenje direktora Odjela za internu reviziju u slučaju da je on bio postavljen od strane generalnog revizora.

Član 47.

Uprava JP Autoceste FBiH d.o.o. Mostar dužna je i odgovoma da osigura uslove za rad Odjela za internu reviziju osiguranjem adekvatnih prostorija, s ciljem da se omogući operativnost i neometano obavljanje poslova iz nadležnosti Odjela, kao i da se osigura da Odjel ima potpun i cijelovit uvid u sve evidencije JP Autoceste FBiH d.o.o. Mostar potrebne za obavljanje poslova Odjela.

Član 48.

Odjel za internu reviziju odgovoran je da:

- podnosi godišnju strategiju rizika i plan revizije Odboru za reviziju u kojima je sadržan detaljan prikaz rizičnih područja i revizija koje će biti izvršene;
- podnosi izvještaj o obavljenim revizijama i preporuke Odboru za reviziju putem direktora Odjela za internu reviziju;
- obavlja svoje dužnosti u potpunom skladu sa međunarodnim revizijskim standardima.

Član 49.

JP Autoceste FBiH d.o.o. Mostar podliježu obaveznoj reviziji finansijskih izvještaja kao pravno lice razvrstano u veliko preduzeće, a u skladu sa odredbama Zakona o računovodstvu i reviziji Federacije Bosne i Hercegovine.

Revizija finansijskih izvještaja obavlja se u skladu sa ovim zakonom i MSR uz poštivanje Kodeksa profesionalne etike revizora i pravila revizorske struke, te drugih pravila i propisa koji regulišu ovu oblast.

VIII ETIČKI KODEKS I POSLOVNA TAJNA JAVNOG PREDUZEĆA

Član 50.

Etički kodeks kao neophodni minimum sadrži sljedeće odredbe:

- zabrane u pogledu sukoba interesa;
- zabrane odavanja poslovnih tajni;
- zabrane u pogledu konkurenkcije;
- zabrane o pogledu kredita;
- izjavu kojom se propisuju dužnosti utvrđene odredbama Zakona o javnim preduzećima u Federaciji Bosne i Hercegovine.

Uprava je dužna i odgovorna za dosljedno provođenje etičkog kodeksa u javnom preduzeću, te da osigura da sva odgovorna lica postupaju u skladu sa istim tako što će se protiv lica koja krše navedeni kodeks provesti disciplinski postupak te eventualno pokrenuti krivični postupak.

Poslovnom tajnom smatraju se informacije o JP Autoceste FBiH d.o.o. Mostar i njegovom poslovanju koje nisu dostupne javnosti u redovnom toku poslovanja, a čije posjedovanje ili korištenje od strane trećih lica bez saglasnosti JP Autoceste FBiH d.o.o. Mostar bi moglo prouzrokovati značajnu štetu JP Autoceste FBiH d.o.o. Mostar ili trećem licu donijeti prednost u postupku javnih nabavki.

Poslovna tajna uključuje sve informacije koje se odnose na poslovanje JP Autoceste FBiH d.o.o Mostar.

Član 51.

Poslovnu tajnu su dužni čuvati svi zaposlenici JP Autoceste FBiH d.o.o. Mostar, članovi Uprave i organi upravljanja preduzećem.

Obaveza čuvanja poslovne tajne traje dvije godine nakon prestanka radnog odnosa u JP Autoceste FBiH d.o.o. Mostar, odnosno prestanka vršenja funkcije člana Uprave i organa upravljanja preduzećem.

IX POSTUPAK I NAČIN JAVNIH NABAVKI

Član 52.

Svi postupci nabavke koji se obavljaju u JP Autoceste FBiH d.o.o. Mostar provodit će se uz strogo poštivanje odredaba Zakona o javnim nabavkama Bosne i Hercegovine ("Službeni glasnik BiH", broj: 39/14) i njegovim podzakonskim aktima.

Postupak i način javne nabavke uređuje se općim aktom koji donosi Nadzorni odbor JP Autoceste FBiH d.o.o. Mostar.

Nadzorni odbor i Uprava nadziru zaposlenike JP Autoceste FBiH d.o.o. Mostar u

provođenju postupka javnih nabavki. Uprava u propisanim rokovima podnosi izvještaj o nabavci Odboru za reviziju 15 dana i Nadzornom odboru 30 dana od dana zaključenja ugovora o nabavci.

Nadzorni odbor, u okviru vršenja nadzora, nadzire provedbu općeg akta o postupku nabavki, razmatra izvještaje o nabavci i poduzima mjere ukoliko utvrdi da postupak nabavke nije proveden u skladu sa propisima, te nadzire Upravu i zaposlenike JP Autoceste FBiH d.o.o. Mostar u skladu sa Zakonom o javnim preduzećima.

X PLANIRANJE POSLOVANJA PREDUZEĆA

Član 53.

Uprava JP Autoceste FBiH d.o.o. Mostar u skladu sa Statutom izradit će i nadgledati realizaciju godišnjeg i trogodišnjeg Plana poslovanja preduzeća.

Član 54.

Plan poslovanja sadrži sve elemente utvrđene propisima, a naročito sljedeće:

- predviđanje prihoda i rashoda;
- kapitalne izdatke predložene za period koji plan poslovanja obuhvata;
- izvor finansiranja predloženih za navedene kapitalne izdatke, te druge poslovne ciljeve;
- sve zajmove čije uzimanje je planirano u periodu koji plan poslovanja obuhvata;
- garancije čije je davanje predloženo za osiguranje tih kredita;
- prijedloge za obrazovanje ili kupovinu novih preduzeća ili poslova (bilo u cijelini ili djelimično) ili prodaju bilo kojeg od zavisnih preduzeća (tj. supsidijara) JP Autoceste BiH d.o.o. Mostar, te kadrovsu popunu kao i prateće rashode za ove aktivnosti;
- prijedlog za korištenje finansijskog rezultata za period koji obuhvata plan poslovanja;
- prijem plana kadrova;
- program mjera za realizaciju planiranih poslova;
- plan prihoda i rashoda mora odražavati planirane aktivnosti JP Autoceste FBiH d.o.o. Mostar.

Član 55.

Plan poslovanja će za period za koji je donesen predstavljati osnov poslovnih aktivnosti JP Autoceste FBiH d.o.o. Mostar u pogledu onih pitanja koja sadži.

Izuzetno Uprava JP Autoceste FBiH d.o.o Mostar će na godišnjem osnovu razmotriti plan poslovanja, te će u slučaju potrebe, a u skladu sa njegovim ciljevima, revidirati i usaglasiti plan poslovanja radi njegovog prilagođavanja nastalim promjenjenim uslovima.

Plan poslovanja direktor JP Autoceste Federacije Bosne i Hercegovine d.o.o. Mostar će predočiti Federalnom Ministarstvu prometa i komunikacija.

XI NEDOPUŠTENE I OGRANIČENE AKTIVNOSTI

Član 56.

JP Autoceste FBiH d.o.o. Mostar je strogo zabranjeno obavljanje sljedećih aktivnosti:

- davanje kredita ili pozajmica zaposlenim u JP Autoceste FBiH d.o.o Mostar ili trećim licima, ili pružanje garancija ili osiguranja za kredite osim u procesu prestrukturiranja kada JP Autoceste FBiH d.o.o. Mostar može izvršiti ulaganje ili dati pozajmicu privrednom društvu isključivo na osnovu odluke Skupštine JP Autoceste FBiH d.o.o. Mostar;

- davanja putem donacija u suprotnosti sa odredbama važećih zakona o dodjeli sredstava ili donacijama;
- isplata plaća zaposlenim na bilo kakvoj listi čekanja;
- isplata plaća zaposlenim bez uplate doprinosu i poreza u skladu sa važećim zakonskim propisima;
- učešće u postupku nabavke u svojstvu ponuđača bilo kojeg lica koje je pripremilo poziv na tender;
- prihvatanje plaćanja sredstvom koje zamjenjuje novac, plaćanja u naturi, ili gotovinskom ekvivalentu;
- investiranje iz kratkoročnih izvora finansiranja JP Autoceste FBiH d.o.o. Mostar, osim kada se radi o odobrenim investicijama prema definiciji datoј u važećim zakonima koji regulišu tu oblast;
- obnavljanje ili materijalno mijenjanje postojećih zajmova dodijeljenih povezanim licima ili trećim stranama.

Član 57.

JP Autoceste FBiH d.o.o. Mostar može poduzimati sljedeće aktivnosti, isključivo uz pisano ovlaštenje Nadzornog odbora:

- izmirenje duga prema povjeriocu JP Autoceste FBiH d.o.o. Mostar plaćanjem trećem licu (ugovori o cesiji duga);
- prebijanje dugova prema nekoj strani sa dugovima te iste strane koja je iz tog razloga istovremeno i povjerilac i dužnik JP Autoceste FBiH d.o.o. Mostar (ugovori o prostoj kompenzaciji);
- učešće u aranžmanu višestrukog prebijanja dugova između više strana bilo da je isti aranžman organizovala Vlada ili drugi organ (ugovori o multilateralnoj odnosno višestranoj kompenzaciji);
- izmirenje duga prema JP Autoceste FBiH d.o.o. Mostar u slučaju da dužnik plaća povjeriocu JP Autoceste FBiH d.o.o. Mostar;
- otpis potraživanja;
- zaključivanje ugovora o izmirenju dospjelog duga prema JP Autoceste FBiH d.o.o. Mostar pod povoljnijim uvjetima koje utvrđuje Vlada Federacije Bosne i Hercegovine.

XII SUKOB INTERESA

Član 58.

Povezano lice dužno je izbjegavati stvarne ili očigledne sukobe interesa sa JP Autoceste FBiH d.o.o. Mostar u ličnim ili profesionalnim odnosima.

Sukob interesa javlja se kada lični, odnosno profesionalni interes povezanog lica onemogućava, eventualno može onemogućiti ili interes, ili poslovanje JP Autoceste FBiH d.o.o. Mostar ili sposobnost povezanog lica da ispunjava svoje obaveze i odgovornosti.

Povezano lice dužno je omogućiti uvid Upravi ili Nadzornom odboru ili drugom nadzornom organu u sve transakcije ili odnose za koje povezano lice opravdano očekuje da bi mogle dovesti do stvarnog ili očiglednog sukoba interesa sa JP Autoceste FBiH d.o.o. Mostar.

JP Autoceste FBiH d.o.o. Mostar, prilikom poslovanja, nije dopušteno da povezanim licima nudi povoljnije uvjete od onih koje nudi drugim licima koja nisu povezana sa JP Autoceste FBiH d.o.o. Mostar. Zabrana se ne odnosi na poslove između JP Autoceste FBiH d.o.o. Mostar i privrednih društava sa kojima je JP Autoceste FBiH d.o.o. Mostar na osnovu zaključenog ugovora o vođenju poslova, objedinjeno jedinstvenim vođenjem poslova.

Članovima Uprave JP Autoceste FBiH d.o.o. Mostar zabranjeno je obavljanje političkih

funkcija za vrijeme trajanja mandata.

U smislu odredaba iz stava 1., 2. 3. i 4., sljedeća lica se smatraju povezanim licima:

- članovi uže porodice povezanih lica do trećeg stepena krvnog srodstva ili tazbine, odnosno lica koja žive u istom domaćinstvu sa povezanim licima;
- pravna lica koja raspolažu glasačkim pravima u JP Autoceste FBiH d.o.o. Mostar ;
- pravna lica u kojima JP Autoceste FBiH d.o.o. Mostar ima udio od najmanje 10% od ukupne sume glasačkih prava;
- pravna lica u kojima JP Autoceste FBiH d.o.o. Mostar ima najmanje 10% dionica sa pravom glasa;
- pravna lica u kojima je povezano lice ili članovi uže porodice, član Nadzornog odbora ili Uprave.

Zabrana iz stava 5. ovog člana ne odnosi se na poslove između javnog preduzeća i privrednih društava sa kojima je javno preduzeće, na osnovu zaključenog ugovora o vođenju poslova, objedinjeno jedinstvenim vođenjem poslova.

Ako bilo koje povezano lice zna ili je moralo znati da je neko drugo povezano lice djelovalo u suprotnosti sa odredbama ovog člana to povezano lice je o tome dužno odmah obavijestiti Upravu i Nadzorni odbor ili drugi nadzorni organ i ostale nadležne organe.

Povezanom licu nije dopušteno odavanje poslovne tajne JP Autoceste FBiH d.o.o. Mostar.

XIII ZAŠTITA ŽIVOTNE SREDINE

Član 59.

JP Autoceste FBiH d.o.o. Mostar su u obavljanju svoje djelatnosti i poslova dužne poduzimati sve mjere zaštite i unapređenja radne i životne sredine u skladu sa važećim propisima.

JP Autoceste FBiH d.o.o. Mostar su dužne da se pridržavaju mjera zaštite i unapređenja životne sredine i da u skladu s tim mjerama donese pravilnik o mjerama zaštite radne i životne sredine u uvjetima ekološkog okruženja u kome posluje.

XIV SINDIKALNO ORGANIZOVANJE U JAVNOM PREDUZEĆU

Član 60.

Zaposleni u JP Autoceste FBiH d.o.o. Mostar mogu, u cilju ostvarivanja i zaštite svojih prava i interesa, organizovati sindikat, u skladu sa zakonom, kolektivnim ugovorom i pravilima sindikata.

JP Autoceste FBiH d.o.o. Mostar je dužno osigurati uvjete za rad sindikata, u skladu sa zakonom i kolektivnim ugovorom.

Član 61.

Sindikat JP Autoceste FBiH d.o.o. Mostar, u skladu sa zakonom i kolektivnim ugovorom, može podnosići prijedloge i primjedbe direktoru JP Autoceste Federacije Bosne i Hercegovine d.o.o Mostar po osnovu ostvarivanja i zaštite prava zaposlenika.

Član 62.

Direktor zastupa JP Autoceste FBiH d.o.o. Mostar u odnosu sa sindikatom.

Ukoliko je u JP Autoceste FBiH d.o.o. Mostar organizovano više od jednog sindikata,

za Upravu su mjerodavni stavovi i zahtjevi o kojim su prethodno sindikati postigli međusobnu saglasnost, a kada te saglasnosti nema, za Upravu su mjerodavni stavovi i zahtjevi sindikata koji zastupa većinu zaposlenih u JP Autoceste FBiH d.o.o Mostar.

Član 63.

U JP Autoceste FBiH d.o.o. Mostar se ne mogu osnivati organizacije i provoditi aktivnosti koji nemaju karakter sindikata i sindikalnih aktivnosti u skladu sa zakonom, kolektivnim ugovorom i pravilima sindikata.

XV STATUSNE PROMJENE I PRESTANAK JAVNOG PREDUZEĆA

Član 64.

JP Autoceste BiH d.o.o. Mostar prestaje sa radom na način utvrđen Zakonom o privrednim društvima i Statutom.

Odluku o statusnim promjenama ili prestanku JP Autoceste FBiH d.o.o. Mostar donosi Skupština.

Prestanak rada JP Autoceste FBiH d.o.o. Mostar upisuje se u registar društava.

XVI OPĆI I POJEDINAČNI AKTI

Član 65.

Skupština radi regulisanja pitanja iz svoje nadležnosti donosi sve opće akte JP Autoceste FBiH d.o.o. Mostar koji nisu u nadležnosti Uprave i Nadzornog odbora. Statut javnog preduzeća donosi Skupština uz prethodnu saglasnost Vlade Federacije Bosne i Hercegovine, dok sve ostale opće i pojedinačne akte koji nisu u nadležnosti Nadzornih organa i Uprave, donosi Skupština na prijedlog Nadzornog odbora.

Na isti način kao u stavu 1. ovog člana se vrše izmjene i dopune općih i pojedinačnih akata.

Uprava, u efikasnom obavljanju svoje funkcije, donosi ostale opće akte kao što su: pravilnici, poslovni, uputstva, metodologije, smjernice, kao i pojedinačne akte: odluke, rješenja i naloge.

Akte iz stava 2. ovog člana Uprava donosi na prijedlog direktora i izvršnih direktora sektora javnog preduzeća.

Član 66.

Prijedlog za donošenje, izmjene i dopune općih akata mogu dati članovi Nadzornog odbora i Uprava JP Autoceste FBiH d.o.o. Mostar.

Sindikat JP Autoceste FBiH d.o.o. Mostar može davati prijedloge za izmjene i dopune općih akata kada se radi o aktima kojima se uređuje radno pravni status zaposlenika.

Član 67.

Opći akti stupaju na snagu osmog dana od dana objavljivanja na oglasnoj tabli, a izuzetno, ako priroda pitanja koja se uređuju ili hitnost rješavanja određenog pitanja to zahtijeva, mogu stupiti na snagu narednog dana od dana objavljivanja.

XVII PRIJELAZNE I ZAVRŠNE ODREDBE

Član 68.

Stupanjem na Snagu ovog Statuta prestaje primjena ranijeg Statuta JP Autocese Federacije Bosne i Hercegovine br.1.1-2866-1/12 od 29.06.2012., te Odluke o izmjenama i dopunama Statuta br. 1.1-5001/15 od 08.10.2015.godine.

Opći akti, a čije je donošenje predviđeno Statutom bit će doneseni u roku od tri mjeseca od dana stupanja na snagu ovog Statuta.

Član 69.

Ako neko pitanje nije uređeno ovim Statutom, primjenjivat će se Zakon o cestama Federacije Bosne i Hercegovine, Zakon o javnim preduzećima u Federaciji Bosne i Hercegovine i Zakon o privrednim društvima.

Član 70.

Ovaj Statut stupa na snagu osmog dana od dana objave na oglasnoj tabli Preduzeća.

Broj: 1.1- 3923-4/16
Mostar, 30.11.2016. godine

Punomoćnik državnog kapitala

Jadranko Puljić

Jadranko Puljić

Broj: 1.1- 350-1/17

Datum: 30.01.2017. godine

Na osnovu člana 17. Statuta JP Autoceste FBiH d.o.o. Mostar br. 1.1-3923-4/16 od 30.11.2016. god., Odluke Vlade Federacije BiH o davanju saglasnosti na Odluku Nadzornog odbora JP Autoceste FBiH d.o.o. Mostar o izmjenama Statuta JP Autoceste FBiH d.o.o. Mostar („Službene novine Federacije BiH“, broj 3 od 18.01.2017. godine), Odluke Nadzornog odbora JP Autoceste FBiH d.o.o. Mostar o izmjenama Statuta JP Autoceste FBiH d.o.o. Mostar, broj: 1.01-4077-1/16 od 22.12.2016. godine, Skupština JP Autoceste FBiH d.o.o. Mostar donosi

ODLUKU**o izmjenama Statuta JP Autoceste FBiH d.o.o. Mostar****I**

Skupština Društva donosi Odluku o usvajanju izmjena Statuta JP Autoceste FBiH d.o.o. Mostar, broj 1.1-3923-4/16 od 30.11.2016- godine, i član 29. stav 1. mijenja se i glasi:
„Za direktora JP Autoceste FBiH d.o.o. Mostar može biti imenovano lice koje, pored zakonom utvrđenih općih uvjeta, ispunjava i sljedeće posebne uvjete:

1. Visoka stručna spremna, VII stepen,
2. Da ima najmanje osam godina radnog iskustva od čega pet (5) godina na rukovodnim poslovima“.

II


U članu 30. stav 2. mijenja se i glasi:

„Za izvršne direktore imenuje se lice, koje pored zakonom utvrđenih općih uvjeta, ispunjava i sljedeće posebne uvjete:

1. Visoka stručna spremna, VII stepen,
2. Da ima najmanje pet (5) godina radnog iskustva“.

III

Odluka stupa na snagu danom donošenja.

Punomoćnik državnog kapitala**Jadranko Puljić**

NO: 1.01-1010-12/18

Datum: 27.04.2018.godine

Na osnovu člana 310. Zakona o privrednim društvima ("Službene novine Federacije Bosne i Hercegovine", broj: 81/15), člana 12 stav (5) Zakona o cestama („Službene novine Federacije BiH“ br. 12/10, 16/10-isp. i 66/13) i člana 21. Statuta JP Autoceste FBiH d.o.o. Mostar br. 1.1-3923-4/16 od 30.11.2016. god., broj 1.1.-350-1 od 30.01.2017. godine, Nadzorni odbor JP Autoceste FBiH d.o.o. Mostar na sjednici održanoj 27.04.2018. godine, donosi

ODLUKU

o izmjeni Statuta Javnog preduzeća Autoceste Federacije Bosne i Hercegovine d.o.o. Mostar

I

U skladu sa Statutom JP Autoceste FBiH d.o.o. Mostar broj: 1.1-3923-4/16 od 30.11.2016. godine, broj: 1.1-350-1 od 30.01.2017. godine, član 3 stav (3) mijenja se i glasi:

„Sjedište JP Autoceste FBiH d.o.o. Mostar je u Mostaru u ulici Adema Buća broj 20 (u daljem tekstu: JP Autoceste FBiH d.o.o. Mostar)“.

II

U skladu sa članom 15. Zakona o cestama Federacije Bosne i Hercegovine („Službene novine Federacije BiH“ br. 12/10, 16/10-isp. i 66/13), potrebno je da Vlada Federacije BiH da saglasnost na predloženu odluku, nakon čega će se navedena Odluka dostaviti na usvajanje Skupštini JP Autoceste FBiH d.o.o. Mostar.



Dostaviti:

- Članovima
- Federalnom ministarstvu prometa i komunikacija
- Skupštini
- a/a



Identifikacijski broj: 4227001540005 PDV proj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1810200062470038
Federatna taksa za konštenje autopiste: 1610200062470232 | 3386902290585422
Naknada za konštenje cestovnog zemljišta: 1610200062470135 | 3386902290564549

OP

Broj: 1.1-3150-1/18

Datum: 30.07.2018. godine

Na osnovu člana 17. Statuta JP Autoceste FBiH d.o.o. Mostar br. 1.1-3923-4/16 od 30.11.2016. god., Odluke Vlade Federacije BiH o davanju saglasnosti na Odluku Nadzornog odbora JP Autoceste FBiH d.o.o. Mostar o izmjeni Statuta JP Autoceste FBiH d.o.o. Mostar (V. broj: 741/2018 od 01.06.2018. godine), Odluke Nadzornog odbora JP Autoceste FBiH d.o.o. Mostar o izmjeni Statuta JP Autoceste FBiH d.o.o. Mostar, broj: 1.01-1010-12/18 od 27.04.2018. godine, Skupština JP Autoceste FBiH d.o.o. Mostar donosi:

ODLUKU**o izmjeni Statuta JP Autoceste FBiH d.o.o. Mostar**

I

Skupština Društva donosi Odluku o usvajanju izmjene Statuta JP Autoceste FBiH d.o.o. Mostar, broj 1.1-3923-4/16 od 30.11.2016. godine, broj: 1.1-350-1 od 30.01.2017. godine, član 3. stav (3) mijenja se i glasi:

„Sjedište JP Autoceste FBiH d.o.o. Mostar je u Mostaru u ulici Adema Buća broj 20 (u daljem tekstu: JP Autoceste FBiH d.o.o. Mostar)“.

Ostale odredbe Statuta JP Autoceste FBiH d.o.o. Mostar ostaju iste.

II

Odluka stupa na snagu danom donošenja.

Punomoćnik državnog kapitala**Jadranko Puljić**

NO: 1.01- 5440-3/19

Datum: 23.12.2019.godine

Na osnovu člana 21. Statuta JP Autoceste FBiH d.o.o. Mostar br. 1.1-3923-4/16 od 30.11.2016. god., broj 1.1.-350-1 od 30.01.2017. godine, člana 119. Zakona o privrednim društvima ("Službene novine Federacije Bosne i Hercegovine", br. 81/15), Nadzorni odbor JP Autoceste FBiH d.o.o. Mostar donosi

ODLUKU

o izmjeni Statuta Javnog preduzeća Autoceste Federacije Bosne i Hercegovine d.o.o. Mostar

I

Nadzorni odbor JP Autoceste FBiH d.o.o. Mostar usvaja Odluku o izmjeni Statuta JP Autoceste FBiH d.o.o. Mostar, broj 1.1-3923-4/16 od 30.11.2016. godine, broj 1.1.-350-1 od 30.01.2017. godine, sa sljedećim izmjenama.

U članu 39. briše se stav 2. i član 39. glasi:

„Član 39.

Sekretara JP Autoceste FBiH d.o.o. Mostar imenuje i razrješava Nadzorni odbor na prijedlog direktora JP Autoceste FBiH d.o.o. Mostar.

Sekretar ima prava i obaveze utvrđene Zakonom o privrednim društvima i općim aktima preduzeća.“

U članu 29. mijenjanju se stavovi 6 i 7 i isti glase:

„Član 29.

Izuzetno, bez provedbe navedenog postupka Vlade Federacije Bosne i Hercegovine, može donijeti odluku o davanju prethodne saglasnosti za imenovanje vršioca dužnosti direktora i izvršnih direktora JP Autoceste FBiH d.o.o. Mostar do okončanja konkursne procedure, a najduže na vremenski period do 12 mjeseci, počev od dana stupanja na snagu Odluke o imenovanju vršilaca dužnosti Uprave od strane Nadzornog odbora.

U skladu sa Odlukom Vlade Federacije Bosne i Hercegovine iz stava 6. ovog člana Nadzorni odbor JP Autoceste d.o.o. Mostar donosi odluku o imenovanju direktora i izvršnih direktora na



CIPS
CORPORATE
CERTIFICATION

Identifikacijski broj: 4227691540005 PDV broj: 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna lakaš za korištenje autoceste: 1610200062470232 i 3386902296565422
Naknada za korištenje cestovnog zemljišta: 1610200062470135 i 3386902296564549
Registrirano u Općinskom sudu u Mostaru, MBS 58-01-0179-10

period do dvanaest mjeseci, počev od dana stupanja na snagu odluke Nadzornog odbora o imenovanju vršitelja dužnosti direktora i izvršnih direktora."

II

U skladu sa članom 15. Zakona o cestama Federacije Bosne i Hercegovine („Službene novine Federacije BiH“ br. 12/10, 16/10 -isp. i 66/13), potrebno je da Vlada Federacije BiH da saglasnost na Odluku o izmjeni Statuta JP Autoceste FBiH d.o.o. Mostar, broj: NO 1.01- 5228/17 od 20.12.2017. godine, nakon čega će se naprijed navedena Odluka dostaviti na usvajanje Skupštini JP Autoceste FBiH d.o.o. Mostar.

Obrazloženje

U Statutu JP Autoceste FBiH d.o.o. Mostar Član 39. glasio je kako slijedi:

Član 39.

Sekretara JP Autoceste FBiH d.o.o. Mostar imenuje i razrješava Nadzorni odbor na prijedlog direktora JP Autoceste FBiH d.o.o. Mostar.

Sekretar se imenuje na isti period na koji je imenovan i Nadzorni odbor JP Autoceste FBiH d.o.o. Mostar.

Sekretar ima prava i obaveze utvrđene Zakonom o privrednim društvima i općim aktima preduzeća.

Ovom odlukom briše se stav 2 kojim je definisano da se Sekretar imenuje na isti period kao i Nadzorni odbor. Ova odredba nema uporišta u Zakonu o prevrednim društvima u FBiH kojim se definiše obaveza postojanja funkcije Sekretara. Uslijed potrebe održavanja kontinuiteta poslovanja JP Autoceste FBiH d.o.o. Mostar potrebno je osigurati i kontinuitet funkcije Sekretara društva.

Izmjene u članu 29. Statuta potrebne su radi usklađivanja odredbi Statuta sa Uredbom o izmjeni Uredbe o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine ('Službene novine FBiH, broj:69/17) čime se produžava, sa 6 na 12 mjeseci, rok za sprovođenje konkursne procedure u slučaju imenovanja vršitelj dužnosti.

Predsjednik Nadzornog odbora

Dobroslav Galić



Dostaviti:

- Članovima
- Federalnom ministarstvu prometa i komunikacija
- Skupštini
- a/a.



Sjedište u Mostaru: Ul. Adema Buća 20, 88000 Mostar, Tel.: +387 36 512 300, Fax: +387 36 512 301
Ured u Sarajevu: Ul. Hamdije Krševljakovića 19, 71000 Sarajevo, Tel.: +387 33 277 900, Fax: +387 33 277 901

e-mail: info@jautoceste.ba
www.jautoceste.ba

Broj: 1.1- 3971-1/20

Datum: 26.06.2020. godine

Na osnovu člana 17. Statuta JP Autoceste FBiH d.o.o. Mostar br. 1.1-3923-4/16 od 30.11.2016. god., broj 1.1.-350-1 od 30.01.2017. godine, broj: 1.1-3150-1/18 od 30.07.2018. godine, Odluke Vlade Federacije BiH o davanju saglasnosti Nadzornom odboru JP Autoceste FBiH d.o.o. Mostar na Odluku o izmjeni Statuta JP Autoceste FBiH d.o.o. Mostar („Službene novine Federacije BiH“, broj 30/20), Odluke Nadzornog odbora JP Autoceste FBiH d.o.o. Mostar o izmjeni Statuta JP Autoceste FBiH d.o.o. Mostar, broj: NO 1.01-5440-3/19 od 23.12.2019. godine, Skupština JP Autoceste FBiH d.o.o. Mostar donosi

ODLUKU

o izmjeni Statuta Javnog preduzeća Autoceste Federacije Bosne i Hercegovine d.o.o. Mostar

I

U Statutu JP Autoceste FBiH d.o.o. Mostar, broj 1.1-3923-4/16 od 30.11.2016. godine, broj 1.1.-350-1 od 30.01.2017. godine, broj: 1.1-3150-1/18 od 30.07.2018. godine, član 39. briše se stav 2. i član 39. glasi:

„Član 39.

Sekretara JP Autoceste FBiH d.o.o. Mostar imenuje i razrješava Nadzorni odbor na prijedlog direktora JP Autoceste FBiH d.o.o. Mostar.

Sekretar ima prava i obaveze utvrđene Zakonom o privrednim društvima i općim aktima preduzeća.“

II

U članu 29. mijenjanju se stavovi 6 i 7 i isti glase:

„Član 29.

Izuzetno, bez provedbe navedenog postupka Vlada Federacije Bosne i Hercegovine, može donijeti odluku o davanju prethodne saglasnosti za imenovanje vršioca dužnosti direktora i izvršnih direktora JP Autoceste FBiH d.o.o. Mostar do okončanja konkursne procedure, a najduže na



CIPS
CORPORATE
CERTIFICATION

Identifikacijski broj: 4227691540005 PDV broj: 227691540005

Glavni račun: Union banka Sarajevo 1020010000014039
Transakcijski račun: Raiffeisen bank d.d. Sarajevo, glavna filijala Mostar: 1610200062470038
Federalna taksa za konštrukcije autoceste: 1610200062470232 i 3386902296565422
Naknada za korištenje cestovnog zemljišta: 1610200062470135 i 3386902296564549
Registrirano u Općinskom sudu u Mostaru, MBS 58-01-0179-10

vremenski period do 12 mjeseci, počev od dana stupanja na snagu Odluke o imenovanju vršilaca dužnosti Uprave od strane Nadzornog odbora.

U skladu sa Odlukom Vlade Federacije Bosne i Hercegovine iz stava 6. ovog člana Nadzorni odbor JP Autoceste d.o.o. Mostar donosi odluku o imenovanju direktora i izvršnih direktora na period do dvanaest mjeseci, počev od dana stupanja na snagu odluke Nadzornog odbora o imenovanju vršitelja dužnosti direktora i izvršnih direktora. "

III

Odluka stupa na snagu danom donošenja.

Punomoćnik državnog kapitala

Jadranko Puljić



CIPS
CORPORATE
CERTIFICATION

Identifikacijski broj: 4227691540005 PDV broj: 227691540005
Glavni račun: Union banka Sarajevo 1020010000014039
Transakcijski račun: Raiffeisen bank od Sarajeva, glavna filijala Mostar 1610200062470038
Federalna lakaš za konštenje autoceste: 1610200062470232 : 3386902296565422
Naknada za konštenje cestovnog zemljišta: 1610200062470135 : 3386902296564549
Registrirano u Općinskom sudu u Mostaru, MBS 58-01-0179-10